

ხელშეკრულება № 71
ელექტრონული ტენდერი აუქციონის გარეშე
მომსახურების შესყიდვა

ქ. ზესტაფონი

5 აპრილი 2021 წელი

ერთი მხრივ, ზესტაფონის მუნიციპალიტეტის მერია, წარმოდგენილი ზესტაფონის მუნიციპალიტეტის მერი, გიორგი გოგლიჩიძის სახით (შემდგომში - შემსყიდველი),

მისამართი: ზესტაფონი, წერეთლის ქ. N11

საიდენტიფიკაციო კოდი: №230087045

ტელეფონის ნომერი: 0 (492) 25 26 26

საბანკო რეკვიზიტები: სახელმწიფო ხაზინა

ბანკის კოდი: TRESGE22

ანგარიშის ნომერი: 3001900000

ელ.ფოსტა: zestaponi.municipality@gmail.com

და მეორე მხრივ, შ.პ.ს. „დელტა კონსალტინგი“ წარმოდგენილი მისი დირექტორის გიორგი ჯალიაშვილის სახით (შემდგომში - მომწოდებელი),

მისამართი: ქ.თბილისი, ონიაშვილის ქ. N72

საიდენტიფიკაციო კოდი: № 401992162

ტელეფონის ნომერი: 577578811

საბანკო რეკვიზიტები: სს „საქართველოს ბანკი“

ბანკის კოდი: BAGAGE22

ანგარიშის ნომერი: GE56BG0000000117945400

ელ.ფოსტა: sales@dc.ge

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც „მხარეები“, „სახელმწიფო შესყიდვების შესახებ“ საქართველოს კანონის 161 მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 4 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერი აუქციონის გარეშე NAT210005106 შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

მუხლი 1. შესყიდვის ობიექტის დასახელება და შესაბამისი CPV კოდი

1. შესყიდვის ობიექტია ზესტაფონის მუნიციპალიტეტის ტერიტორიაზე არსებული ვიდეოსამეთვალყურეო სისტემის მოვლა პატრონობა- მომსახურეობის შესყიდვა წინამდებარე ხელშეკრულების და დანართი N1-ის შესაბამისად.
2. ზესტაფონის მუნიციპალიტეტის ტერიტორიაზე განთავსებული ვიდეო- სამეთვალყურეო სისტემის მოვლა-პატრონობა, რაც მოიცავს: ათი ერთეული ვიდეო სამეთვალყურეო კამერას და ექვსი ერთეული დაერთების წერტილს , ასევე ვიდეო ნაკადების ტრანსპორტირების უზრუნველყოფას თბილისი 112-ის სერვერამდე.
3. ამ მუხლის პირველი პუნქტით გათვალისწინებული შესყიდვის ობიექტის CPV კოდია: 50300000 - პერსონალური კომპიუტერების, საოფისე აპარატურის, სატელეკომუნიკაციო და აუდიოვიზუალური მოწყობილობების შეკეთება, ტექნიკური მომსახურება და მათთან დაკავშირებული მომსახურებები.

მუხლი 2. ხელშეკრულების ღირებულება

1. ხელშეკრულების ღირებულება შეადგენს 33 360 ლარს დღგ-ს ჩათვლით .
2. დაფინანსების წყარო ზესტაფონის მუნიციპალიტეტის ადგილობრივი ბიუჯეტის სახსრები.

მუხლი 3. მომსახურების გაწევის ვადა და ადგილი

1. ვიდეო- სამეთვალყურეო სისტემის მოვლა-პატრონობის მომსახურება განხორციელდება ხელშეკრულების გაფორმებიდან 2022 წლის 31 მარტის ჩათვლით. ათი ერთეული ვიდეო სამეთვალყურეო კამერის სერვერზე დაერთება უნდა განხორციელდეს ხელშეკრულების გაფორმებიდან არაუმეტეს 20 დღის ვადაში
2. მომსახურების გაწევის ადგილია-ზესტაფონის მუნიციპალიტეტი, მომსახურების გაწევის ფორმადა ადგილი მოცემულია ტექნიკურ პირობებსა და ფასების ცხრილში (დანართი N1).

მუხლი 4. ხელშეკრულების შესრულების უზრუნველყოფის გარანტიის პირობები (შენიშვნა: იმ შემთხვევაში, თუ შესყიდვის ღირებულება აღემატება 200 000 ლარს) არ მოითხოვება ხელშეკრულების შესრულების უზრუნველყოფის გარანტია, ვინაიდან შესყიდვის ღირებულება არ აღემატება 200 000 ლარს

მუხლი 5. ანგარიშსწორების წესი

1. ანგარიშსწორება მოხდება ფაქტიურად გაწეული მომსახურების მიღება ჩაბარების აქტისა და ანგარიშ-ფაქტურის მიხედვით.
2. ანგარიშსწორება განხორციელდება სახელშეკრულებო ღირებულებიდან გამომდინარე.
3. ანგარიშსწორება მიმწოდებელთან განხორციელდება ეტაპობრივად, მიღება-ჩაბარების აქტის გაფორმებისა და დღგ-ს ანგარიშ-ფაქტურის (დღგ-ს გადამხდელის შემთხვევაში) წარმოდგენის შემდეგ 10 სამუშაო დღის ვადაში.

მუხლი 6. მომსახურების შესაბამისობა

1. ხელშეკრულების პირველი მუხლით გათვალისწინებული მომსახურება მიმწოდებლის მიერ უნდა შესრულდეს საქართველოს კანონმდებლობის შესაბამისად, ჯეროვნად, მსგავსი მომსახურებისათვის უკვე დადგენილი სტანდარტების, ხელშეკრულებითა და მასზე თანდართული ტექნიკური დავალებით გათვალისწინებულ პირობების შესაბამისად.
2. ამ მუხლში განსაზღვრული წესებიდან და ნორმებიდან მიმწოდებლის მხრიდან ნებისმიერი გადახვევის შემთხვევაში, შემსყიდველი უფლებამოსილია, არ მიიღოს მომსახურება ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.
3. ახალი კორონა ვირუსის (covid 19) გავრცელებასთან დაკავშირებით, ქვეყანაში შექმნილი მდგომარეობიდან გამომდინარე, მიმწოდებელი ვალდებულია, სამუშაოების შესრულების პროცესში უზრუნველყოს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროსა და საზოგადოებრივი ჯანმრთელობის ეროვნული ცენტრის მიერ გაცემული რეკომენდაციების დაცვა.“

მუხლი 7. გაწეული მომსახურების მიღება-ჩაბარების წესი

1. შესყიდვის ობიექტის მიღება ფორმდება მიღება-ჩაბარების აქტით შემსყიდველისა და მიმწოდებლის უფლებამოსილი წარმომადგენლების ხელმოწერით. მომსახურება ჩაითვლება მიღებულად მიღებაჩაბარების აქტის გაფორმების შემდეგ.

მუხლი 8. მხარეთა უფლება-მოვალეობანი

1. მიმწოდებელი ვალდებულია:

ა) მომსახურება გასწიოს შემდეგი ტექნიკური პირობების შესაბამისად:

ა.ა. მომსახურება უნდა გაუწიოს აღნიშნულ კამერებს ხელშეკრულების გაფორმებიდან ერთი წლის განმავლობაში.

ა.ბ. ვალდებულია მოახდინოს წუნდებული კამერების დიაგნოსტიკა და ხარვეზის აღმოფხვრა. პრეტენდენტმა უნდა მოახდინოს კამერების ერთიან ქსელთან დაერთება, ასევე სს „ენერგო-პრო ჯორჯიასთან“ საკითხის დარეგულირება, ასევე მოახდინოს ხარვეზის აღმოფხვრა და შესაბამისი მონიტორინგი. განთავსებული კამერების პირველადი ელ.კვების წყაროების დაზიანების შემთხვევაში პრეტენდენტმა ზესტაფონის მუნიციპალიტეტის მერიის შესაბამის წარმომადგენელთან ერთად მოახდინოს ჩართვის წერტილის ალტერნატიული ელ-კვებაზე გადაერთება.

ა.გ. შემსყიდველის მოთხოვნის შესაბამისად მოხდეს კამერების ხედვის კუთხისა და რაკურსის შეცვლა ან გასწორება.

ა.დ. პრეტენდენტმა უნდა მოახდინოს კამერების გარე კორპუსის სარკმლის და ობიექტივის გაწმენდა საკუთარი სახსრებით.

ა.ე. ყველა სახის დაზიანების აღმოფხვრა პრეტენდენტმა უნდა მოახდინოს საკუთარი ხარჯებით.

ა.ვ. ხელშეკრულების გაფორმების შემდეგ პრეტენდენტმა უნდა წარმოადგინოს და შემსყიდველს მფლობელობაში გადასცეს შინაგან საქმეთა სამინისტროს მიერ მოთხოვნილი Milestone XProtect Corporate 2020 R2 VMS-ის 10 არხის ლიცენზია, რომელიც დაინტეგრირდება შინაგან საქმეთა სამინისტროს ერთიან სისტემაში.

ა.ზ. რეაგირების დრო: გამოძახებიდან არაუგვიანეს 1 საათში მიმწოდებელმა უნდა მოახდინოს ჯგუფის და ამწე კალათის მობილიზება და მივლინება ვიდეო-სამეთვალყურეო კამერასთან. გამოძახება დასაშვებია დღე-ღამის ნებისმიერ დროს, მათ შორის ოფიციალურ უქმე დღეებში. (მიმწოდებელმა საკუთარი სახსრებით უნდა უზრუნველყოს ტექნიკის მომსახურებასთან დაკავშირებული ყველა ხარჯი, მათ შორის ამწე-კალათის და სხვა სატრანსპორტო საშუალების მობილიზება)

ბ) მომსახურების გასაწევად უნდა ჰყავდეს მინიმუმ 2 სერთიფიცირებული ინჟინერი VMS სისტემების სპეციალიზაციით;

გ) ხელშეკრულების გაფორმებისთანავე შემსყიდველს (დამკვეთს) მუდმივმფლობელობაში უნდა გადაეცეს Milestone xprotect Corporae VMS-ის 10-ვე არხის ლიცენზია, რომელიც უნდა დაინტეგრირდეს შს სამინისტროს ასევე სისტემაში.

დ) მომსახურების გაწევის პროცესში, მიმწოდებელმა უნდა უზრუნველყოს ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი ასევე, წერილობითი რეკომენდაციების და მითითებების შესრულება;

ე) შემსყიდველს უმოკლეს ვადაში აცნობოს მისი მოსალოდნელი რეორგანიზაციის ან ლიკვიდაციის შესახებ;

ვ) გამოვლენილი დეფექტის ან ნაკლის აღმოფხვრასთან, ხელახლა ინსპექტირებასთან დაკავშირებულ ხარჯებს, ინსპექტირების შედეგად გამოვლენილი დეფექტის ან ნაკლის ღირებულების ანაზღაურება ეკისრება მიმწოდებელს.

2. შემსყიდველი ვალდებულია:

ა) შეუფერხებლად აუნაზღაუროს მიმწოდებელს გაწეული მომსახურების ღირებულება ხელშეკრულებითა და დეტალური ტექნიკური დავალებით გათვალისწინებული პირობებისა და ვადების შესაბამისად.

3. შემსყიდველი უფლებამოსილია:

ა) ხელშეკრულების მოქმედების პერიოდში, ნებისმიერ დროს, შემსყიდველი უფლებამოსილია, განახორციელოს ხელშეკრულებით და ტექნიკური დავალებით გათვალისწინებული ვალდებულებების შესრულების კონტროლი (ინსპექტირება);

ბ) არ ჩაიბაროს რაოდენობრივად, ხარისხობრივად ან უფლებრივად ნაკლიანი გაწეული მომსახურება.

მუხლი 9. კონტროლი (ინსპექტირება)

1. ხელშეკრულებით გათვალისწინებული ვალდებულებების შესრულების, გაწეული მომსახურების მოცულობის, ხარისხისა და შესრულების ვადების დაცვის კონტროლს (ინსპექტირება) ახორციელებს შემსყიდველი.
2. სამუშაოების მიმდინარეობაზე შემსყიდველი კონტროლს (ინსპექტირებას) აწარმოებს საქართველოს კანონმდებლობის, ტექნიკური დავალებისა და ხელშეკრულების პირობების შესაბამისად, რომელთა დარღვევის შემთხვევაში, შემსყიდველი უფლებამოსილია, მიიღოს ხელშეკრულებით და საქართველოს კანონმდებლობით გათვალისწინებული ზომები.
3. ხელშეკრულების შესრულების შემსყიდველის მხრიდან კონტროლს, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმებას და ტექნიკურ ზედამხედველობას განახორციელებს ზესტაფონის მუნიციპალიტეტის მერის 2018 წლის 05 მარტის №43 259 ბრძანებით შექმნილი ინსპექტირების ჯგუფი. შემსყიდველს უფლება აქვს ხელშეკრულების მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული უფლებამოსილება ინდივიდუალურ ადმინისტრაციულ-სამართლებრივი აქტით მიანიჭოს სხვა თანამშრომელს ან/და შესაბამისი ხელშეკრულების საფუძველზე ნებისმიერ სხვა პირს. შემსყიდველის ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით;
4. ინსპექტირების ჯგუფს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე მათ შორის მომსახურების ხარისხის პერიოდული ინსპექტირება.
5. მიმწოდებელი ვალდებულია საკუთარი რესურსებით უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.
6. მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

მუხლი 10. ფორს-მაჟორი

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვნად შესრულება გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად ფორს-მაჟორი მოჰყავს, ვალდებულია, დაუყოვნებლივ, მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე მხარეს ასეთი მოვლენის დადგომისა და მისი სავარაუდო აღმოფხვრის ვადის შესახებ; წინააღმდეგ შემთხვევაში, იგი არ თავისუფლდება ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, შესაბამისმა მხარემ უნდა წარადგინოს ფორს-მაჟორის არსებობის დამადასტურებელი დოკუმენტი და დაასაბუთოს, რომ ფორს-მაჟორმა არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

მუხლი 11. პასუხისმგებლობა

1. ხელშეკრულებით განსაზღვრული პირობების დარღვევის შემთხვევაში ან ვადის გადაცილების შემთხვევაში მხარეებს ეკისრებათ პირგასამტეხლო ყოველ ვადაგადაცილებულ დღეზე ჯამური ღირებულების 0, 3 % ოდენობით.
2. წინამდებარე ხელშეკრულება შეიძლება შეწყდეს მხარეთა წერილობითი შეთანხმების საფუძველზე.
3. ხელშეკრულება ვადამდე ადრე შეიძლება შეწყდეს:
 - ა) იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 (სამ) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
 - ბ) პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
 - გ.) მიმწოდებელი ვიდრე არ აანაზღაურებს პირგასამტეხლოს, შემსყიდველს უფლება აქვს დააკავოს აღნიშნული თანხა და პირდაპირ მიმართოს მუნიციპალიტეტის ბიუჯეტში.
 - დ) შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას.
 - ე) მოქმედი კანონმდებლობით დადგენილ სხვა შემთხვევებში.
3. მიმწოდებელი, ხელშეკრულების ცალმხრივად შეწყვეტის შემთხვევაში გადაიხდის ჯარიმას, ხელშეკრულებით გათვალისწინებული თანხის 20(ოცი)%-ის ოდენობით
4. მიმწოდებლის მიერ ხელშეკრულებით გათვალისწინებული ვალდებულებ(ებ)ის შეუსრულებლობით ან არაჯეროვნად შესრულებით მესამე პირისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს.
5. მიმწოდებლის მიერ ჩადენილი საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევისათვის, შემსყიდველისათვის დაკისრებული ადმინისტრაციული სახდელისათვის პასუხისმგებლობა ეკისრება მიმწოდებელს.

მუხლი 12. ხელშეკრულების შეწყვეტა

1. ხელშეკრულების ერთ-ერთი მხარის მიერ ვალდებულებ(ებ)ის შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.
2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.
3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის დანართის გაფორმების გზით.
4. მხარეთა შეუთანხმებლობის შემთხვევაში, ხელშეკრულების თითოეულ მხარეს უფლება აქვს, ცალმხრივად, წერილობითი ფორმით შეწყვიტოს ხელშეკრულება.

5. შემსყიდველი ორგანიზაცია უფლებამოსილია, ვადამდე, ცალმხრივად შეწყვიტოს ეს ხელშეკრულება თუ:

ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებითა და დეტალური ტექნიკური დავალებით განსაზღვრულ ვალდებულებას;

ბ) მიმწოდებლის მიმართ მიმდინარეობს გაკოტრების ან გადახდისუუნარობის საქმისწარმოება (მიუხედავად მისი დაწყების დროისა) ან ხელშეკრულების გაფორმების შემდგომ, დაიწყო მიმწოდებლის ლიკვიდაციის პროცედურა;

გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულები გათვალისწინებული ვალდებულებ(ებ)ის შესრულებაზე;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

ე) პროექტირებას დაქვემდებარებულ კონკრეტულ ობიექტზე მიღებული დეტალური ტექნიკური დავალებით გათვალისწინებული მომსახურების გაწევის ვადა მიმწოდებლის მიერ დაირღვა და საპროექტო-სახარჯთაღრიცხვო დოკუმენტაციის წარდგენის ვადაგადაცილებული დღეების რაოდენობა შეადგენს 15 (თხუთმეტი) კალენდარულ დღეს;

ვ) ხელშეკრულების გაფორმების შემდეგ, შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;

ზ) დეტალური ტექნიკური დავალებით განსაზღვრული გასაწევი მომსახურება სრულად გადასცა ქვეკონტრაქტორს;

თ) ინსპექტირების (ექსპერტიზის) პირველ ეტაპზე გამოთქმული შენიშვნები არ იქნება აღმოფხვრილი, აღმოფხვრილი იქნება არასრულფასოვნად ან შესწორებული იქნება ნორმატიულტექნიკური დოკუმენტების მოთხოვნების შეუსაბამოდ, რაც დაფიქსირდება ინსპექტირების ხელმოწერა ანგარიშში;

ი) საქართველოს კანონმდებლობით გათვალისწინებულ სხვა შემთხვევებში.

6. ამ მუხლის მე-5 პუნქტში მოცემული საფუძვლებით ხელშეკრულების ცალმხრივად შეწყვეტის შემთხვევაში, მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

მუხლი 13. უფლებების გადაცემა

1. ხელშეკრულების არც ერთ მხარეს არა აქვს უფლება, გადასცეს მესამე პირს ხელშეკრულებით განსაზღვრული თავისი უფლებები და მოვალეობები მეორე მხარის წერილობითი თანხმობის გარეშე.

2. ხელშეკრულების ფარგლებში მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

მუხლი 14. ქვეკონტრაქტორ(ებ)ი და მიმწოდებლის პერსონალი

1. დასაშვებია მიმწოდებელმა დეტალური ტექნიკური დავალებით განსაზღვრული გასაწევი მომსახურებების ნაწილი, შემსყიდველთან შეთანხმებით, შესასრულებლად გადაეცეს ქვეკონტრაქტორ(ებ)ს, რომლებიც (რომელიც) არ უნდა იყვნენ რეგისტრირებული სახელმწიფო შესყიდვებში მონაწილე არაკეთილსინდისიერ პირთა რეესტრში – „შავი სია“;

2. დეტალური ტექნიკური დავალებით განსაზღვრული გასაწევი მომსახურების ნაწილის ქვეკონტრაქტორ(ებ)ზე გადაცემით, მიმწოდებელი არ თავისუფლდება ხელშეკრულებით ნაკისრი ვალდებულებ(ებ)ისგან და გაწეული მომსახურების შესრულებაზე შემსყიდველთან პასუხისმგებელია მიმწოდებელი.

3. მიმწოდებელი ვალდებულია წერილობით აცნობოს შემსყიდველს ქვეკონტრაქტორ(ებ)თან ხელშეკრულებ(ებ)ის დადების თაობაზე და მიიღოს მისგან წერილობითი თანხმობა აღნიშნულზე. ამ მიზნით, შემსყიდველს წარედგინება ქვეკონტრაქტორ(ებ)ის მიერ შესასრულებელი სამუშაოების დასახელება ღირებულების მითითებით და გასაფორმებელი ქვეკონტრაქტ(ებ)ის ასლი. შემსყიდველის მიერ ამ პუნქტით გათვალისწინებული თანხმობის მიუღებლობის

შემთხვევაში, მიმოწოდებული ვალდებულება, არ დაუშვას დეტალური ტექნიკური დავალებით განსაზღვრული გასაწევი მომსახურებების ნაწილის მითითებული ქვეკონტრაქტორ(ებ)ის მიერ განხორციელება.

4. მიმოწოდებული ვალდებულება ქვეკონტრაქტორ(ებ)თან დადებული ხელშეკრულებ(ებ)ის ასლ(ებ)ი წარუდგინოს შემსყიდველს, აღნიშნული ხელშეკრულებ(ებ)ის გაფორმებისთანავე, მაგრამ არაუგვიანეს 5 (ხუთი) კალენდარული დღის ვადაში.

მუხლი 15. შეტყობინება

1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, უნდა გაიგზავნოს წერილის, ოფიციალური ელექტრონული ფოსტის (შემსყიდველის შემთხვევაში - zestaponi.municipality@gmail.com) ან ფაქსის სახით, ორიგინალის შემდგომი წარდგენით, ხელშეკრულებაში მითითებულ მეორე მხარის მისამართზე.

2. შეტყობინება ძალაში შედის ადრესატის მიერ მისი მიღების დღეს ან შეტყობინებაში ძალაში შესვლისათვის დადგენილ დღეს იმის მიხედვით, თუ ამ თარიღებიდან რომელი უფრო გვიან დგება.

მუხლი 16. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე ხელშეკრულების დანართის გაფორმების გზით. ამ პუნქტის შესაბამისად გაფორმებული ხელშეკრულების დანართი მხარეთა ხელმოწერისთანავე წარმოადგენს ხელშეკრულების განუყოფელ ნაწილს.

2. ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, რა დროსაც დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

3. ხელშეკრულება რეგულირდება საქართველოს კანონმდებლობით.

4. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა მიერ შეთანხმების მიუღწევლობის შემთხვევაში, დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.

5. ხელშეკრულება შედგენილია ქართულ ენაზე, 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი - შემსყიდველთან და ერთი პირი - მიმოწოდებელთან).

6. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 17. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელმოწერის დღიდან 2022 წლის 20 მაისის ჩათვლით.

მხარეთა ხელმოწერები:

შემსყიდველი:

ზესტაფონის მუნიციპალიტეტის მერია

მერი

გიორგი

გოგლიძე



მომწოდებელი:

შ.პ.ს. „დელტა კონსალტინგი“

დირექტორი

გიორგი ჯალიაშვილი

დანართი N1 (ფასების ცხრილი)

ზესტაფონის მუნიციპალიტეტის ტერიტორიაზე განთავსებული ვიდეო-სამეთვალყურეო სისტემის მოვლა-პატრონობა

N	მომსახურების პერიოდი	ზესტაფონის მუნიციპალიტეტის ტერიტორიაზე არსებული ვიდეოსამეთვალყურეო სისტემის მოვლა პატრონობა, რაც მოიცავს ათი ერთეული ვიდეო სამეთვალყურეო კამერასა და ექვსი ერთეული კამერის დაერთების წერტილს, ასევე ვიდეო ნაკადების ტრანსპორტირების უზრუნველყოფას თბილისი 112-ის სერვერამდე	მომსახურების ღირებულება (ლარი)	მომსახურების ღირებულება
		რაოდენობა		
1	აპრილი, 2021წ.	10	278.00	2,780.00
2	მაისი, 2021წ.	10	278.00	2,780.00
3	ივნისი, 2021წ.	10	278.00	2,780.00
4	ივლისი, 2021წ.	10	278.00	2,780.00
5	აგვისტო, 2021წ.	10	278.00	2,780.00
6	სექტემბერი, 2021წ.	10	278.00	2,780.00
7	ოქტომბერი, 2021წ.	10	278.00	2,780.00
8	ნოემბერი, 2021წ.	10	278.00	2,780.00
9	დეკემბერი, 2021წ.	10	278.00	2,780.00
10	იანვარი 2022 წ.	10	278.00	2,780.00
11	თებერვალი 2022 წ	10	278.00	2,780.00
12	მარტი, 2022 წ	10	278.00	2,780.00
	სულ:			33,360.00

შენიშვნა:

კამერების მომსახურების ფასში გათვალისწინებული უნდა იყოს სასერვერო ინფრასტრუქტურის მომსახურების ღირებულება.

გ. ცხიფიძე
/ფაქსი/



შპს "დელტა კონსალტინგი"

ღირექტორი / გიორგი ჯალიაშვილი

Digitally signed by
Delta Consulting LLC
Date: 2021.03.29
11:33:49 +04'00'

ზესტაფონის მუნიციპალიტეტის ტერიტორიაზე განთავსებული კამერები
დისლოკაციების მიხედვით

1. ქალაქ ზესტაფონში უშანგი ჩხეიძის ქუჩის ასახვევში (ზაქარიადის ქუჩა)—1 ცალი სტატიკური ვიდეო კამერა, 1 ცალი მართვადი კამერა;
2. ქალაქ ზესტაფონში, დადიანის ქუჩის ასახვევში 1 ცალი სტატიკური ვიდეო კამერა;
3. ქალაქ ზესტაფონში, თამარ მეფის და ნინოშვილის ქუჩის გადაკვეთაზე 1 ცალი სტატიკური ვიდეო კამერა;
4. ქალაქ ზესტაფონში, საქარხნოს ქუჩაზე (ყოფილ ატეკასთან) 1 ცალი სტატიკური და 1 ცალი მართვადი კამერა;
5. ქალაქ ზესტაფონში ავტოსადგურის მიმდებარედ 1 ცალი სტატიკური ვიდეო კამერა, 1 ცალი მართვადი კამერა;
6. ქალაქ ზესტაფონში სტაროსელსკის ქუჩაზე (ყოფილი დოსააფის შენობასთან) 1 ცალი სტატიკური ვიდეო კამერა, 1 ცალი მართვადი ვიდეო კამერა.

სულ: 10 კამერა

ხელწერილი ინტერესთა კონფლიქტის არ არსებობის შესახებ

2021 წლის 5 აპრილი

ზესტაფონის მუნიციპალიტეტის მერი და ზესტაფონის მუნიციპალიტეტის მერის 2018 წლის 05 მარტის №43 259 ბრძანებით შექმნილი ინსპექტირების ჯგუფის წევრები ვადასტურებთ, რომ „სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტის „ე“ ქვეპუნქტის თანახმად არ ვიმყოფებით ინტერესთა კონფლიქტში შ.პ.ს. „დელტა კონსალტინგი“-ს დირექტორთან გიორგი ჯალიაშვილთან 33 360 ლარის (ზესტაფონის მუნიციპალიტეტის ტერიტორიაზე განთავსებული ვიდეო-სამეთვალყურეო სისტემის მოვლა-პატრონობა, რაც მოიცავს: ათი ერთეული ვიდეო სამეთვალყურეო კამერას და ექვსი ერთეული დაერთების წერტილს, ასევე ვიდეო ნაკადების ტრანსპორტირების უზრუნველყოფას თბილისის 112-ის სერვერამდე) მომსახურების შესყიდვასთან დაკავშირებით.

ზესტაფონის მუნიციპალიტეტის მერი გიორგი გოგლიჩიძე



1. ოლეგ ჭანკოტაძე - (სამუშაო ჯგუფის ხელმძღვანელი)

2. ალექსანდრე აბაშიძე - (სამუშაო ჯგუფის წევრი)

3. თემურ ფერაძე - (სამუშაო ჯგუფის წევრი)

4. სოფიო კოპალიანი-კობახიძე (სამუშაო ჯგუფის წევრი)

5. ნიკოლოზ ბარბაქაძე (სამუშაო ჯგუფის დროებითი წევრი)